


啟佳門類函


道七十九之八



					漢書門類
			一一四		
		八〇〇			
	四二	函	號	類	
四八	冊	架			

內閣文庫			
			漢書類
	一一四		
	八〇〇		
	四二	冊	架
四八	冊		

內閣文庫			
番號	漢	11400	
冊數		. 48 ( 40 )	
函號		364	52



綴じ部(喉部分)の文字など開きが不鮮明な箇所あり



啓雋近體卷七十九

類函八十一

東吳俞安期羨長彙編

上饒王嗣經曰常同輯

建武鄧漢遠遊訂定

臬司部四

上

上廉察使啓

唐駱賓王

賓王啓每讀書見古人負米之情捧檄之操未嘗不  
廢書輟卷流涕傷心何則情蓄於中事符則感形潛  
於內迹應斯通而悅帝力以栖魂情欣養素仰皇華  
而息慮敢用披丹伏惟某官源控玉輪激神濤而涵

啓書類函卷七十九





地基疏金闕架飛岳以韜雲泊乎鹿駭周躔霸燕圖  
於卽墨蛇分沛澤封漢爵於華城福祿攸鍾公侯必  
復炳靈丹穴習吉黃裳若乃峰秀學山列三墳而仰  
止瀾清筆海委九流以朝宗登小魯之山辨練光於  
曳馬臨大吳之國識寶氣於連牛垂秋實於翰林絢  
春花於文苑清規湛秀照月且於雕談素論凝玄開  
夜光於妙辯旣而業成麟角引茅茹而彈冠道映鶴  
池絢桃林而曳綬揆留皇鑒忠簡帶心奉職春宮標  
離光於青殿代工天府明神耀於紫宸故得龍綽垂  
光戢兩

開照鶴蓋浮影翼五雲以連陰其大塊

流形小人餘慶幸河神入昴映白榆而流祥江使負  
圖泛青蓮而薦兆薰風應扇聖日多暉進不能高議  
靈臺談社稷之上務退不能銷形地肺揖箕穎之餘  
芳而出沒風塵湮滄名利十年無祿萬里維桑旣而  
日遠長安處蓬門而西笑雲飄吳會追松浦以南浮  
冀塵跡於丘中絕漢機於俗網獲承歡於膝下馭潘  
輿於家園不悟地絡遐張維白駒於空谷天羅迴布  
弋黃鶴於高雲顧已以鴛鴦合從媒銜力農賤事未  
免東臯之勞反哺私情遽切南咳之詠少希顧復敢  
布懇誠雖噬指思歸空軫倚閭之望而齧臂求仕非



九  
卷七十九  
圖高蓋之榮明公資孝履忠恕已及物惟幾成務論  
道經邦庶得顧兔離箕動清風於舜海從龍潤礎需  
其雨於堯雲則白羽書生自銘恩於食稻黃衣童子  
將賽德於餐花拜首迴惶傾心虔肅

上廣帥留郎中

干權

宋王

邁代

委巷食貧每作梅仙之夢窮途干祿謾爲蒲澗之遊  
惟昔爲泉壘之附庸而尉隸星臺之奔走庶幾似鄉  
人而見喜况復援介紹而至前伏惟某官鶴唳青田  
鳳鳴丹穴經綸敏手五色云之補天爾雅清文萬斛  
泉之出地淡然無膏梁之習卽之有珪璧之溫入山

農扈以陞華旋陟郎闈而增渥却變津而懶上歛怒

翼以斜飛兩節觀風秋月印

錢塘

之水十連作屏慶雲

橫禹穴之山雖去留出處之甚輕柰功名追逐之不  
舍惟廣重地在天一方起公祥斯道之刑見上重遠  
人之意鼓十四城而下令肅若風行用三千屬而無  
寬何庸雪洗乃頒宸綽就畀闔旄誰言五嶺之皆炎  
我覺二天之獨覆龍戶按堵鯨波昔開元有宋廣  
平嘗去之而黃閣至元祐則蔣賴叔亦繇是而紫樞  
行將名字之覆甌端是登庸之傳鉢伏念某五舉省  
闈幾成畫虎一叨仕版殆甚木雞瓜戍之期尚賒匏



繫之謀甚左漆雕開斯之未吾信初筮何堪燭之武  
老矣無能爲壯心空在百指纍纍之待哺二毛凜凜  
以迫人爲饑所苦而來稍足亦其於隱知公侯下士  
不辭三握髮三吐哺之勞如鰕生無竒猶望一垂手  
一轉足之力寒谷肯回於煖律枯楊可冀於生華雖  
抱關擊拚且不辭俾越俎代庖則爲過所求易與巢  
林之鷦不過一枝安敢負知伏櫪之驥猶思千里

上李提刑啓

宋李廷忠

分路澄清毋謂小邦之左僻戴星奔走儼如華使之  
下臨祗事有初通名敢後恭惟某官以文章紹先世  
之學以法令爲群吏之師秋水鏡鑒皆知其清明春  
風衣被悉歸於愷悌選臯陶於天下之衆遂占大科  
稱黃霸以廷中之平肯持深憲廣推棘木之心布作  
其棠之惠謂措刑空囹俗何不若成康能閱律讀書  
君可使爲堯舜自任有如此者當今其舍我哉勿拘  
紫橐之常階卽聽黃麻之異數某抱虛焉用置散是  
宜說經徒至三萬言笑寒氈之如水爲吏不過六百  
石驚素髮之已秋知音者謂可字人學製者奚其爲  
政况一綱衆目之久弛且百孔千瘡之可憂雀鼠之  
訟滋張鳧鷖之行驚羸方當策鈍義敢辭難幸有二



天之照知信爲千載之會遇遙瞻繡指敬稟玉條惟  
其轡策之少寬庶圖來效若以脂膏而自潤斷不忍  
爲悃倒之私言宣罔旣

上觀察使啓

通安

宋洪平齋

乘傳西征窺計龍之事業摳衣北面請流馬之規模  
遙引睇於我垣預徹忱於籤府恭惟某官望高熊耳  
氣壓峨眉節可寄命而托孤志惟忘身而徇國人誰  
壁立公不波流慷慨北軍左袒之呼談笑匈奴右臂  
之斷一清井絡重立坤維寢高方面之功增重股肱  
之寄其收拾人才則號稱小朝廷之盛其鎮撫蠻徼

則知有天可汗之尊功昭日月之旂常名固山河之  
帶礪官雖兩大德則一謙陝以西召公主之小屈碧  
幢之駐斗以南仁傑而已卽看黃閣之登某晚景侵  
尋宦途勃窣方折腰就再麾之役又跣足爲萬里之  
遊喜密拱于使天幸曲成于恩地沂艷頰之三峽未  
定驚魂借鄧林之一枝庶安孤影

上傅提刑啓

宋孫應時

星躔所聚均竊照臨之餘幕畫何堪猥從賓客之後  
凜孤蹤之多懼仰曠度以爲歸恭惟某官學貫天人  
名標宇宙高詞大筆出文章家而益光直節英風有



忠義傳之餘烈連兩科之得僑徑三館之先登羽儀  
積望於中朝襦袴游歌乎南服入掌百官之牋奏出  
更一道之節旄妙在無心要不計寒翁之馬熟於撫  
世寧復見庖丁之牛方將左右圖書笑談風月以平  
刑則下無冤獄以給餉則士無乏饑環觀揚歷之若  
斯共歎經綸之未試謂其泉之入奏尚馮翊之觀風  
少須漢皇一見之間即有說命三篇之作某天資遲  
鈍門戶蕭條未能忘升斗於饑寒豈足繫毫毛之輕  
重願以百察之底旁託二天之仁三沐三薰未敢望  
逾涯之賜一前一卻庶不為與進之羞

上浙西提刑啓

宋孫應時

邑弊有年若為自試地寒無與尤復易危始不善謀  
尋則難悔然而密依刺史之治適在明公之時勢小  
易於上通實無慮於不察庶幾分寸之自竭脫亦萬  
一之可為况其平生不勝向風慕義之私乃於今日  
始有奉令承教之地是殆非常之幸已為不肖之榮  
冒昧遂前進退惟命伏惟其官爽邦絕識蓋代高名  
景星慶雲表太平生道之瑞青天白日灼憂國愛民  
之心屈之州縣而不畀立於朝廷而愈偉憲臺襄多  
楮紳為之精明諫省批鱗冕旒深以嘉歎間煩旄節



歷使江湖歸將獻納於甘泉小復咨詢於近甸簡上知其益厚占大任之鼎來平反之下固無毫髮之冤登清之餘豈有風波之畏六條具舉百敝一空惟是闔廬之邇封實云言偃之故里號亦壯縣偏蒙惡聲珥筆之風爭爲長雄鑿空之賦動遭掇拾豈無健令輒桂微文略計逾二十年善去者不一再見銓曹相指以爲戒走卒亦知其甚難而某初無吏能徒迫毋養抗顏請試環聽大驚恍然蕉夢之真凜若瓜時之及念非稍獲乎上是必又瘞厥官前瞻星言敬想風采倘可迹其平素非寡廉鮮耻之類觀其衣裏無行

嚙微倖之情因其願事賢而來取其不擇地而在諉其未及而赦其小過聽其所爲而要其後功豈惟下更得以盡心竊布九重之德澤抑使此邑漸以易治不爲三輔之頑民欲罄依歸之誠彌有僭橫之罪一前一卻如獲伸堂下之言三沐三薰其敢希非分之澤過此以往未不知所裁

坎河尤宜存而不爲與解時局之類觀其衣裏無行



戰戰北以卦未我則殊

隋一浴收蘇新堂下三言三米三畫其效亦非公之  
不為三講之而月其氣未調之精流不舒其之異一  
更許以蓋以釋林以重之靈靈時以此其公之  
其未及而流其小靈顯其德為面與其公之  
淵淵有之謂因其氣其神而求其公之

上張督學啓

明胡植代

涸鮒圖存竊潤江漢潛蛟得奮借勢煙雲材可十尋  
因匠石而長價足能千里待伯樂以收名觀物且然  
於人奚惑有薛思成知陳君之壯志無李文德失延  
子之奇才梅直講器東坡遂為知己李司徒賓北海  
竟以通家得不得固尸諸命舉不舉實由於人况在  
坎壈尤宜存恤不遇興辭鬱龐眉之都尉數奇見惜  
挫猿臂之將軍雖右軍不得言勇而劉蕡何可告忠  
冰雪挫殘莫逞英葩於上苑泥沙溺沒久將爛死於  
江濱試仰首以呼號庶動心而怵惕竊念某朴拙孤



踪飄零寒士遊心學海嘆道義之淵源盡力經田涉  
文字之糠粃妄以聖賢期待銳意入神羞於記誦辭  
章容心點鬼久在泮宮嘗遇高明而見錄屢登場屋  
自慚駑鈍之不前曩值宗師為士之楨秉文之柄獎  
拔遍英才皆允協於輿論刊落獨不肖豈謬迷乎至  
公唾去猶之菓核鄙夷無異牛溲竭半生十載之苦  
莫獲上陳雖寸心一得之愚無階自盡予不棄主而  
主棄予起孟浩然之嘆詩不窮人而人窮詩動歐陽  
子之思柳宗元遇之當欠紳而垂綆韓昌黎見此且  
濡手以焦毛有有力以當其前無無心以濟其敗恭

遇其官天球秘寶竹箭貞姿既出色於閩取益弘  
於京第蘊之為德行以一心會斯道之全發之為事  
功以一身任天下之重昔試士於廣南單風已舊近  
榦材於江右被化幸新士習自茲改觀文章於是復  
古藻鑑洞開秋毫在照文津旁暢寒谷生輝張網羅  
而挂雲盡收逸翮罄崑岡以取璞無復遺珍公之求  
士甚於士之求公矣上不負位敢有下負其能耶某  
快日月之貞明肯其心於曖昧當雨露之饒浴尚引  
頌於沾濡是以不愧困學之才欲承晉接之寵銛非  
干將敢自試於屠龍色實無鹽願分幸於飛燕多見



不知量也然亦有自負焉雖不利於主司當亦求其  
在我鑿匡衡之壁常分隣炬之光削高子之茅大闢  
山蹊之路挫愈奮敗愈張失於前救於後范睢張儀  
以憤激而攬相權曹沫孟明遇敗亡而熟兵法柱厲  
不知疾趨死難狼暉見黜勇敢奔師未可以一肯絕  
君子之才亦或遭一蹶得天下之便伏願執事寧乘  
實不采名不使功而使過綴臆肌於朽骨著嫩莖於  
枯枝知李廸重升感子明之好士若劉幾再選識永  
叔之崇文矧古人任賢或取諸織販斲養之賤豈今  
日論士廼棄於摧折困踣之餘如當斥去不恤門牆

苟可甄收何嫌夷狄幸遠聖澤俾拭目於化成得列  
儒紳務勤心於策勵攄尺寸之長或能報國得升斗  
之祿聊可養親昔墜重淵之中今抗九天之上使不  
蹈窮餓之水火尚敢忘覆育之乾坤哉况苑馬售而  
名駿至怒蛙揖而猛士來鳳凰之雛雖喙行且入  
穀桃李之穠穠鞞鞞在門上不負天子側席之  
意下不負儒生許國之忠斯樂寵號稱得人信鄙  
未嘗無士不惟愚生幸甚而實天下幸甚

上朱兵憲啓

明吳守道

伏審龍綉寵嘉虎符榮馭乘傳來北郡一路快福星



之臨缺鉞鎮河南千里仰仁天之庇所遭幸矣何喜  
如之恭惟其官係天派之磐宗紹雲谷之家學顧惟  
聖主之慮遠內寧猶慮于外憂特簡明公之才全文  
事更兼乎武備假以兵巡管轄屬以官常激揚糾貪  
墨之酷吏解印綬者望風化盜賊為良民持鉤鉏者  
遍地兵揚虎視四郊無多壘之虞士奮鷹揚萬里有  
長城之倚其仕國猥從于末品故土幸隸于編氓凡  
屬提封悉稱按堵俾旅邸無憂桑梓何妨久坐瓊寒  
恐帝庭有需棟梁諒不遑于席暖僭申俚牘觸冒尊  
台

通

通福建童提刑啓

方岳

詳刑霜凜方宣繡指之威將漕暑行誤竊錦遊之寵  
敬馳月檣往候星臺恭惟某官濟世豪英康時勝彥  
慷慨發奮豈不誠大丈夫清儉潔修居然如古君子  
威譽稔於赤壁黃岡之境惠愛深於白籬綠芷之鄉  
繇井絡以召歸仍奎文而出牧方舉世清談之獎胥  
溺波流獨執事體國之忠可與天對凡糾結盤根之  
處率笑談遊刃其間湖湘方藉於按臨旣越忽聞於  
攻擊就移單傳來建行臺棘矜化而鋤犁刀劍易而



牛犢豈其叱馭我獨賢勞或者奉帷徒得君重天下  
大矣人物眇然婆娑宮闕之銅人見事無數挺特朝  
廷之鐵漢去公幾何少煩彈壓於綠林行即從容於  
紫橐某去國三暑錮身一寒懶再乞於鏡湖欲永尋  
於盤谷忽叨予節莫許循牆顧負弩驅馳久笑相如  
之陋而埋輪英發又無孟博之豪徒欣假道之餘得  
遂登門之幸人耳人耳豈容不見於異人使乎使乎  
所願依光於膚使其為飯向莫究揆裁

通方提刑啓

宋方岳

繡衣而立雲漢聿瞻使者之星墨綬而走塵埃竊嘆  
郎官之宰雖迴有天淵之隔方將戴日月而行敢以  
名聞通其懷仰恭惟某官周雅壯猷之老唐詩元勳  
者流常其揮玉塵於宗藩固已鏘瓊裾於帝展胡為  
豻讞迺輟鶴班曰古者有德惟刑必吾儒然後知此  
矧我朝以仁立國於民生若恐傷之徑煩丹筆之春  
蓋布紫泥之旨然金科奉九重之敬郵而玉山有一  
萃之叫謹繫我其棠勤公行李持斧而捕盜賊想聞  
暴公子之威名騎竹而走兒童復見郭細侯之故事  
少註凝香之寢難稽聽履之朝某徒抱區區見謂碌  
碌繫我世父竊意為生馬之駒許以象賢乃畫成類



狗之虎歸眠詞林之衣鉢無忘家世之箕裘粵自落南幾於敗北尉溧陽而吟惜家具寧免郊寒令彭澤而賦歸去來欲從陶隱偶脫瘴煙之澁勒尚驚風雨之漂搖方自拔於選階曾何知於縣縉邑而謂之債邑蓋亦望而駭然民可以為良民或相安於拙者亦惟綿薄每懼錦傷一婦不織一夫不耕敢廢農桑之課五刑有服五流有宅尚邀鞫草之仁

通楊提刑啓

宋文天祥

誤節讞湘載驅上日掘衣過洛伊邇下風望復有期擘牋告至欽惟其官溟南健翮斗北修名玉尺冰莖

灑落絕塵之韻瑤琴錦瑟和平瑞世之音自燃起而霆轟每徐行而山立提掖春陵之風月縱橫周亭之鼓鍾日暖旌旗一麾玉帳春明霄漢三道繡衣驅馳靡憚於賢勞出入有關於民命方千仞翔而攬下乃六月息以圖南矧今聖哲馳鸞之秋正切英雄經濟之畧江河如許泉石謂何負買誼於長沙上心久渴見夷吾於江左天下何憂某飲菊悠然夢蕉儻爾起家乘傳念舊繡之波濤畏道回車想絲簑之風雨幸近十洲之島冀沾九思之洞滕壤舊屢曾識平反之譜周原新轡願承鞭辟之方拜下非遙由中莫旣



通李提刑啓

宋鄭厚

錦帆汨洪流已周咨訪繡衣兼畫戟今易澄清天子  
弄印匪輕使臣召環適至尤資風采盡滯輦塵一聞  
令公宣威無復苗民逆命恭惟某官眼空四海量廣  
八荒曰文曰武可以全才學劍學書不為小用百篇  
落筆弗減太白風流萬卷填胸宛似鄴侯韻度誠周  
雅壯猷之老實唐詩元勳者儔當其擢王塵於宗藩  
固已鏘瓊裾于帝宸胡為狂讞迺輒鵠班曰古者有  
德惟刑必吾儒方能弗濫矧我朝以仁立國於民生  
若恐有傷是煩丹筆之春畫布紫泥之旨然金科奉

九重之敬卹而玉山有一卒之叫謹繫我甘棠勤公  
行李持斧而捕盜賊想聞暴公子之威名騎竹而走  
兒童復見郭細侯之故事少駐凝香之寢從躋聽履  
之朝某徒抱區區見謂碌碌第以分言則妻泥勢隔  
若從道論則草木味同惟大賢之有容庶小夫之自  
信已蒙躡履不特設烏大夫之羅雖乏運籌尚冀全  
蘭相如之璧其為依嚮罔旣編摩

通趙憲啓

宋王邁

衣直指之繡以建臺矧是宗盟之長著從事之衫而  
入幕最為吏屬之卑幾年引脰以仰高一且澡身而



受察倉皇告至俯偃通名恭惟某官雖生公族全似  
布韋謾以緒餘見之施設固嘗馮軾其棠參韓木之  
千尋纜一雍輜歸橐無端溪之隻石在我者大而地  
無小每官皆清而人推高司印泉南遺愛渺洛陽之  
水剖符湖右歡聲開衡嶽之雲方人物之眇然如執  
事者有幾歷任三紀而無朝蹟知榮進之心輕連拜  
數州而駕使輶况祥刑之寄重與其枉尺直尋其道  
屈孰若高牙大纛其志行持論於三尺外而不苛得  
情於五覆中而不喜園扉晝掩貫索夜沈漢廷尉活  
人者于今視之而倍徙唐宗室為相者九將去此以

登庸伏念某茹學代耕實文為活大廷對策妄陳憂  
國之孤忠未第書名何惜避人之三舍久已迫於瓜  
戎夏方依於蓮池惟知且道以事人不敢苟祿而養  
母昔居鄰壤猶懷高山仰止之思今踐使華敢作明  
河可親之想如聞雅量偏喜吾儕儻稍賜以寬容庶  
苟逃於瘴曠筦庫七十家之薦雅知趙文子之憐才  
廈屋千萬間之依竊喜杜少陵之有托

通周提刑啓

宋李廷忠

分乘一傳愧無佐岳之能受察六條竊有戴天之幸  
問行臺衣篝之適進小夫竿櫓之誠恭惟某官門閥



清高品流勝妙操成風之刃凡所解數千牛獻明月  
之珍豈特照十二乘自日邊而發軔至江右以揚鑣  
卓有最聲徹於上聽且長安為利名之都府孰不爭  
趨欲荒暇戴恩德於明廷獨從遠去稠疊雙旌之寄  
光華六轡之行剔抉吏奸諮諏民病刑一成不變也  
久矣盡心法三尺安出哉斷之在已繡衣當春霄而  
立密網無秋荼之傷一路清夷百城震竦持平反之  
刑筆民以不冤司出納之紫機世其有濟其青燈未  
學白髮孤官攜持無琬琰之奇嗜好有鹹酸之異志  
甘靜退誰言懷祖之凝分絕寵榮自信安仁之拙謂  
曾試邑強使監州但將精白之心用取察廉之鹿甫  
解裝而服役欣叱馭以按臨快觀宜先通名敢後雖  
云治中別駕之可處終亦非才勿以枉後惠文而見  
彈尚堪自效

通葉憲使啓

宋戴 翼

東壁清躔暫領繡衣之斧南昌小吏喜依玉節之麾  
誓以身歸大造之陶鎔瀝此膽於細夫之竿牘犯嚴  
造次竅命凌兢恭惟某官學老而文雄人今而道古  
真才瑞世炳炳六泰階之昭符勁節凌霄巖巖九華  
峯之鍾秀嘉謀告后鳳鳴于岡而梧桐以生正色立



朝虎猛在山而藜藿不採蓋天欲救細民於積年之  
涸轍故上特畀明公以十道之祥刑除命甫馳列城  
交竦豪黠私相顧而喪魄問閭得一笑以伸眉蘇孺  
文果不受故人之私范孟博真有清天下之志雖江  
右總十一州之地願駐寒帷恐朝廷不三五日之間  
別頒褒重其蟬蛸小用芻狗棄才家貧而笑餽粥之  
無田枝拙而藉詩書以為業眾徒庠序飽二十年學  
舍之齏鹽百米朝脯奉八十歲親闈之菽水仕不擇  
祿急於為親第一尉如綫之微而眾務焚絲之集矧  
茲劇邑之重尤非謫材所堪倘無歸嚮於中寧免譴  
訶之及幸戴二天之在上庶幾一日之能安

通湖南楊提刑啓

宋李 劉

晨入太學之下曾識明師曉行湘水之春今依庸使  
禮有嚴於事大書敢廢於恭先恭惟某官守道真儒  
庇民正學人皆疑其婉婉公何有于鄙夷園橋億萬  
人甫知矜式起家二千石忽有薦楊上憐皖伯之邦  
久缺桐君之政徒得君重無俾民憂一札細書朝聞  
命而夕引道三年成聚今有袴而昔無襦孰期清絕  
之鄉又缺皇華之使爰將隆指出總祥刑德星臨翼  
軫之間楚氛已靖仙槎來雲漢之表衡嶽頓開遙知



登車之慨然必有解印而去者其副墨護聞勾朱未  
屬譬諸川澤之下獨何蕃歟不知鄴醜之前有賈生  
否適是褰帷之始欣然祭竈之榮部領中有是人耶  
非敢望也夫子嘗為委吏矣能勿誨乎

通劉提刑啓

宋人

丹墀賜對繡斧詳刑君遣使臣固光華於在遠獄為  
司命必明謹而不留一賢觀風萬物吐氣恭惟某官  
氣涵方重識抱浚明司長沙千里之平惟良折獄澄  
洞庭九州之大何擇非人從知察小大之情必不容  
上下其手周爰浴度即開衡嶽之雲慨然澄清何愧

滄浪之水所恐思賢於宣室還當問路於修閭某起  
家一寒去國二暑強顏倚席昔慚洛下之生孫尾對  
墻今補洛中之佐雖云貳郡正隸六條廉不掩龔敢  
嘆承哉之余負竊今成癖亦惟使者之汝容



通是塞障之始厥後發備之...

通劉提刑啓

宋人

謝文公... 謝文公... 謝文公... 謝文公...

候

候利路楊提刑啓

宋孫應時

半生相望雅聞繡衣公子之威名萬里來遊不稱錦  
里主人之風采幸倚同寅之助少寬非據之憂可無  
素書以抒誠意伏惟某官岷峨間氣窮壤偉人王揚  
司馬之文步趨千載晁董公孫之對照映一時同當  
翱翔石渠天祿之間於以騰蹕金門玉堂之上乃堅  
難進之操請試及民之功一麾西州雙節北道平反  
之譽籍甚澄清之風凜然顧甘泉之頌上所不忘則  
宣室之召今其非晚其髮種種而何用牡駢駢而載



馳頗惟贊叢之區久困繭絲之事未知着手之處竊  
有蒿目之思何以告之當勿替干旄之意遠有光也  
庶亦共皇華之篇

候張憲長啓

福建

明劉觀文

紫綬金章海國重藩臣之寄琅函玉簡天朝崇岳牧  
之司庶僚具瞻群工胥慶恭惟某官八紘鉅望三楚  
雄才太微二十五星光搖江漢祝融九千餘丈節倚  
雲霄出典浙藩旋膺闈臬布德威于八郡冰霜蒞而  
貪墨洗心賴全活者萬人雨露濡而蒼黎生色不可  
久勞于外固宜亟召居中覆崔相於金甌行掌中書  
之令趣鄴侯於銀信暫顯右轄之司屬吏駿奔快覩  
維新號令編民雀躍佇看元相風裁其徒縻職守莫  
遂趨承黃閣倚雲邊馳驅倍切丹心懸日下仰荷鴻



私

候呂孟諧觀察啓

公先為龍溪令

明張燮

憲府重開忽愜河內之借使星長映彌繫并州之思  
屬谷王之効靈借波臣而仰沫歌惟鼓腹戴且銘心  
事譖康哉邦基樂只恭惟某官理源清遠韻宇扶踈  
若竿若簫早掇雲條之翼如金如玉高披水鏡之天  
澹蕩褰帷兼宏待期之信澄清攬轡徐慰孔邇之懷  
被覆九州珠連十乘綠榕南下掃驛路之風清紫貝  
斜連叱濤門而氣肅近為海濱之彈壓實仗豪英遠  
採柱後之封章爰敷錫命計帝心之簡在茲久即選

官之料理方新破浪乘彼長風問俗垂乎零露祖士  
雅之楫頻擊中流杜元凱之碑宜環深谷將聲實之  
冠九伯抑文武之憲萬邦者也其鈞乏化龍之後旌  
却屠羊之肆徘徊丘里長違清編漁獵典墳微成素  
業曩時挂節北塞辱降階之為煩今者輸稅東皇悵  
瞻塵以永隔分絕芳餌未比於陽鱈巢托深林聊群  
于鷓鴣祝同畏壘高謝豫章青鼠皮裘帝篤唐邕之  
賜白鷺羽扇人慚修靜之遺伏在悒懔殊深舞抃

候提刑吳公啓

明許以忠

外臺秉憲園扉生鞠草之春下郡備員葑菲藉維桑



卷之七十九  
之彩切瞻依於先覺倍踴躍乎下情恭惟某官名世  
崇標延陵華胄洵歷清華於中外借司綱紀於東南  
爰簡首藩弘開憲府明刑弼教兼摠文武之猷貞度  
肅察茂著澄清之化案無留獄底從棘木以再詳民  
自不寃頓致蒲鞭而盡措蓋天下治功第一原已頒  
乎吳公而主上錫命惟三將比隆於崔相某附榮鄉  
曲藉庇臺端剖領郡符莫識龔黃之路追維年譜謬  
稱孔李之家寧擬荆匭以常親堂階已隔期賜提撕  
而弗棄肝膽常傾肅函一介以申懷惟冀九闈之  
候馮景貞學憲啓  
明蔡復一

地方鄒魯崇陽之鐸代興人得韓歐丹山之苞獨振  
稽水從崑崙以放海故文滙洙泗而終閩以主敬範  
身心如築墉之先址由窮理至性命如入室之有階  
陋儒駭其博而曠士憚其嚴倒瀾於厭繁趨徑之學  
六藝無所尊而百家失所統植表在起弊維某之賢  
偉哉儒宗申此王制其教惟緯經譯聖溯千百載昭  
明揭日之書則舉必茂樸菁我恢四十年壽考作人  
之化恭惟某官道風秀世德雨育人鸞鏡懸心澄情  
源于秋水驪珠耀掌聳筆岫於夏雲讀越絕而紀侯  
功盟推牛耳登金臺而觀帝所價擅駿蹄方春部懸



功令一班真藝林發文章三昧教必專且久上爲輟  
典禮之官時將晦而明公則行考亭之部淵源求是  
紹闡家庭之傳紬繹敷言會歸皇極之訓寧直網羅  
麟鳳備虞階周囿之羽儀允茲追琢瓊璠供方澤園  
丘之琮璧中原正始不圖聞音上國思皇載歌爲烈  
喜道南正脉共占闡學之昌歸斗北名流坐幹儒風  
之盛其聞巨螯難致釣龍伯則可收石鼓無聲刻魚  
桐而自發况百川異說障以朝溟七曜經常抉之章  
賢何若投簪歸歟負未謳謠治實斟酌風流誠欣傍  
鳧鳥於王喬猶心烹猪肝於安邑耳惟劉尹無嫌輕

薄惠顧許詢倘郗公能辨隱資嘉成安道乎若乃壠  
丘瀟露子弟承風則固以展轉於肺腸徘徊於寤寐  
者也榻名同夫鄉實遲作頌以寄騷人蘭種別乎建  
根擬懷香而思公子遙馳素字薄寫丹誠

候李鵬岳督學

明蔡用明

斗山望重文宗已屬于碩儒廉鎮班高法從遙臨乎  
全晉光生鉛槧澤暨菲葑恭惟某官學與際天文章  
散漢髻年吐鳳温陵擅號神童弱冠雕龍閩省遂掄  
魁選禮闈宣捷占瓊苑之一枝鉅閣發祥誇棣華之  
連萼司戶曹而持界尺酌清水於權關典棘院而綴



珠璣羅真才於滇境程錄一播擲地作金石之聲繕  
部甫膺環京騰嶽嵩之譽紫宸隆簡命文旌攸指冀  
州絳帳課時髦教鐸聿宣晉國歷三聖人更都之地  
若彰常載采成在甄收抵文中子托跡之墟凡中說  
著書總歸採擇章縫動色衿佩怡顏某壻海鄙儒藝  
場末品曩陪鄉貢附驥尾而不前茲領黌宮覩龍光  
而在望設壇聖阜厭苜蓿准賜酒錢說劍天涯攜妻  
孥難充行橐愁腸如結鬱抱莫舒幸緣構於三生喜  
潤沾於九里盼睐增耀鼓鑄為恩懷切葵芹願候寒  
暄之節仰瞻衡鑑佇頒條約之新高範新逢下悰遙  
布伏祈雷曠曷任冰兢

候陳學道啓

明許以忠

清朝崇聖教惟浙存鄒魯之風名世掌文衡乃化起  
菁莪之頌多士彈冠而欲奮群僚望履以爭趨恭惟  
某官匡彭靈秀師相經綸氣逼元龍際明時而扶日  
月謨追季弼掩漢業以鑄萬鍾若工藉慰乎九重學  
憲特欽於兩浙狎王盟而秉鑑傾觀聽者環橋相馬  
得神機牝牡驪黃總妙天閑之選索珠從罔象蚌胎  
龍頷舉無滄海之遺造就十一郡之真材四海望風  
此地昭揭千百年之彞範六經如日中天某挈瓶智



短領郡才疎浪從鯨海以觀濤魂搖無主喜傍鱣堂  
而問字意謂得師初試簿書莫諳張弛之法幸頒教  
令免罹瘵曠之愆心雖託於葵傾敬未顯乎芹獻

候金衢蕭道尊啓

明許以忠

方面試蕭鼎鉉待調和之力高牙建越軍民歸控制  
之權頌聲丕沸乎海波餘澤旁流於隣地恭惟某官  
鼎星孕秀廬嶽降神圖書博自家傳行繼鄩侯之相  
業忠赤獨承帝鑒崇加宗老之徽稱筆花挾奎壁以  
揚輝麻宣紫禁諫草帶風霜而吐氣袞補黃門惟是  
閩越上游警傳四塞特借范韓重望彈壓一方激水

為池不著澄清之化柯山作鎮聿開屏翰之勛爭傳  
封豕潛蹤笑指長鯨授首元戎煩十乘業已消西顧  
之虞天子卜四隣具謂愜東歸之願輿情交慶宸眷  
彌隆某猥自俗員夙欽光範領麾海郡每懷蚊負之  
憂翹首轅門頻作登龍之夢顧葵念雖傾於向日而  
芹忱未致於曝暄茲具尺函伏惟台鑒

候李兵尊啓

明余鍾英

鳳池視草名高供奉之班豸府提衡威厲激揚之任  
位具瞻乎朝野功首載於旂常榮藉雄藩歡騰宰屬  
恭惟某官筆走球琳若泉源之行地胸羅象緯補造



化而摩空惟才名冠玉筍之先故峻秩列金華而上  
欲效經綸於一試特推藩臬以三遷畫戟遙臨山嶽  
盡爲之生色朱旛夙駕鼓用亦至於精明儒紳歌挾  
纘之仁纓弁洽投醪之惠乃睠興龍之地進觀威鳳  
之儀根本帝鄉借重萬年之業股肱名郡增華三輔  
之勳采式下僚共陶雅化某嶺南弱質方思較負之  
難巖邑具員喜遂龍光之被樂瞻依之孔邇覺攀戀  
之益深謹陳眉目之書僭布腹心之領仰希霽照俯  
賜天涵

候陳省崖兵憲啓

明馮若愚

某備員下乘稽首崇臺生平願識荆州心懸鳳闕此  
日得逢司隸望溢龍門况隣斗極之光欲竊天河之  
潤仰惟某官飛騰碧落咫尺風雲銜命丹墀依馮日  
月兵民並馭威惠兼施行李惟一鶴自隨清浮驂駕  
投醪而三軍共醉暖動戟枝阜蓋拂紅曦掩映湘流  
之曙朱旛搖紫氣撥開衡岫之雲佩犢帶牛四民樂  
業含哺鼓腹萬戶皆春且加惠于菁莪遂留情于桑  
梓階前細雨不嫌緩步蒼苔座上和風恰稱揚眉白  
雪津津提示終身比作韋弦浩浩生成報效難忘狗  
馬祗修候楮少布謝悰



候梁憲副啓

清軍屯田  
驛傳鹽法

明王 霖

王者以歛福福蒼生首資實政君子以美利利天下  
 尤藉兼材矧中州係綱紀之區惟上德有經綸之妙  
 恭惟某官河山鍾其碩大廟社恃以衡平慷慨雄深  
 氣槩獨逢展布之時超軼邁往才華巧濬成風之技  
 用是釋章縫之業顯竒抱於帝廷因而操會計之籌  
 分度支於神甸裕民足國休聲騰蘭省之光保障繭  
 絲擇牧審熊旛之使魏貅萬壘覈為張皇克詰之圖  
 隴畝千家釀成藏富樂輸之美冠裳輻輳村墟鷄犬  
 無驚商竈疏通山澤奸駟自戢允文允武倍長子之  
 壯猷正已正人見大人之鴻闕某庇福不貲飲源無  
 量挹恢綱擴絃之略叨垂雲覆露之庥敢申葵藿微  
 忱願吐燕鴻積臆

候清軍劉副使啓

明許以忠

比門借寇特司鎖鑰之權東海依劉永奠金湯之績  
 萬里遙傳露布一函仰叩霜臺恭惟某官漢室宗英  
 樊輿靈秀氣衝星斗文昌獨耀於燕山力運天風鵬  
 鳥蚤傳於易水通籍允孚人望司空時若帝工內帑  
 監權樽節錢流地上武林督權疏通頌溢江南推美  
 盈廷寵隆當宁乃簡名藩秉憲借來宰相臨戎怒掃



攬槍握天樞而旋轉威平島嶼扶地軸以奠安海波  
無夜嘯之聲驛路絕曉傳之警金符顯授既煩吉甫  
於長驅銀信密頒即趣鄴侯於大拜其脫穎無奇領  
麾有愧憶昔業同衣鉢况又接踵於芳塵乃今分隔  
堂階詎敢託身於舊雅惟瞻依孔切情傾向日之葵  
幸提誨頻加願附從風之草謹玆八行申候伏寬三  
尺優容

候朱衡岳學道啓

明樊王家

名世篤生冰鑑操一方之重賢書忝竊雲衢借萬里  
之光感化育之自天奉起居之何日徒瞻山斗靡竭  
涓埃恭惟某官秀儲東海望重中朝偉矣觀國之光  
蚤冠周庭髦譽欽哉惟刑之恤式弘虞帝寬仁旋解  
渤海之亂繩坐鎮吳門之匹練治平天下第一廊廟  
褒嘉學校賢士所關聖明注念特咨師範遠督文衡  
總十郡而裁成靡不速肖合三年之簡拔無復留良  
蓋超牝牡驪黃之外而相其神一洗風雲月露之奇  
而還之古即今門盈桃李誰興南國之人文亦知服  
製芟荷逾重東山之衆望鳳池眷注未應綠野盤桓  
牛斗輝煌載仰青萍氣色某襪線微長繩樞末品誤  
辱罷駑之顧價重千金偏憐大瓠之材用踈五石何



以報塞深自刻銘通籍南宮名姓偶題于上苑濫竽  
北郭裁成幸托于洪鈞秋毫皆夫子之功膚髮豈門  
人之有微啓吾履孰知天地之高深有待而興竊效  
凡民之鼓舞庶幾仰藉玉成之化或竒幸逃瓦解之  
虞私念徒勤有懷莫諭所異時潛時見沛雲雨於飛  
龍永言亦步亦趨披風塵而附驥

迎

迎宋提刑啓

宋李廷忠

暴公子直指之名聳聞已久岑長史緩步之計取芘  
何多仰巍巍二天之所臨實寥寥千載而後遇恭惟  
某官韻高物表名滿世間雙鳧鳥之真僊風流是似  
萬鵠袍之魁彥文藝最優信由東井之輝芒化作南  
溟之羽翮加孟軻以卿相之貴貌而視之起伊尹於  
猷畝之中幡然改矣雖大才當今而誰舍然直道自  
古以難行顧方涉太常之筆以贊文容又復懷會稽  
之章而歸故里兩川之間觀風已熟重湖之濱易地



何辭當干戈甫定之餘在桴鼓稀鳴之際奉行漢詔  
之寬大能使周圖之空虛於斯盡君子之心福僅周  
於一路若其清天下之志位合正於三階某退惟屏  
庸強自修飭笑競趨之未俗其孤寂於外官左琴右  
書昔安得字人之最南山北水今乃容司馬之閑在  
一介尸素之罔功何二臺薦墨之有味來司臬事復  
值仁公傾耳條教之頒引脛軒輶之至光輝君命豈  
惟專督捕之權精白吏心尚可備察廉之數其為舞  
躍曷究編摩

迎嶺北道轉臬司尊啓

明林繼志

恭惟某官受天正氣爲國楨臣霜威彈壓於邊陲方  
切繡裳之戀風憲總持於中臬又承衣被之恩大江  
以西蒼黎實蒙其福屬郡而下冠冕皆與有榮某雖  
以羈株有息趨而未敢叨乎維梓則雀躍而奚勝敬  
肅素緘奉迎憲節寒帷暫駐共欣卿月之常輝負弩  
新迎咸喜福星之載耀

迎陳道尊上仕啓

明夏守成

象輅遙馳快覩商雲之麗豸冠再御喜開吉日之祥  
遙知福曜高升願切恩天永戴顧茲過化之地倏爾



刁疲仰瞻憲節之臨何殊饑渴良翰鑄北門鎖鑰神  
機鼓三路貔貅徭穴先振聲揭午夜長明之月龍川沾  
大化回週年不到之春鴻鴈安群犬羊破膽雖日月  
之明縱闇矚而成耀迺雲霓之望合吏士而同心者  
也謹將燕賀敢獻蟻衷伏願雲中樓閣早徼庇於萬  
間更祝日下絲綸旋承恩於八座

迎南韶謝巡道啓

明劉如寵

繡斧從天綸綽煥九天之比金麾耀日節鎮重五嶺  
之南海甸肅氣以澄清江堞先聲而震動群生倚毗  
屬吏具瞻恭惟某官熙朝柱礎名世斗山郎署久植  
高標專城茂著偉績望推群僚之冠忠結一人之知  
新命誕看舊邦分憲重委寇公鎖鑰就熟道而駕輕  
車再借范老甲兵按霜劍而揮玉節固南韶一路之  
福曜尤東粵諸邑之長城某孺海陳人滇江下吏材  
同瓦礫謬叨百里之封分隸紀綱仰藉二天之庇擬  
鳧趨于道路緣匏繫乎職司肅具蕪詞代申候敬伏  
願華旄早蒞巨鎮慰黎庶壺漿之迎驄馬俯臨遐方  
爲百辟儀刑之式

迎王道尊啓

明竇子儼

眷命楓宸細札煥絲綸之曉視師閩海金章照奎璧



之春飄玉珮以飛來駕朱輪而至止歡騰庶竅望引  
蒸黎身出河山名將日月屠龍霹靂恬四海之波濤  
吐鳳風流橫九州之眉宇藉金閨繡錦天上神仙研  
粉署馨香虞廷伯益某才愧理官職叨微屬負朝廷  
之任使荷廣廈以幘幪永報德于雀銜敬馳神于燕  
賀詞非碩好乏周士之贊揚績列鼎彝同粵民而歌  
頌瞻依孔切抃踊惟深

迎謝兵道啓

明黃道生

楓陛分符鉅鎮借斗山之賁臬臺秉憲群工瞻法曜  
之臨後來深慰乎吏民慶并先騰乎遐邇輒于華燾  
用頁蕪篔恭惟某官標俊洪都葦聲魏闕花封初試  
循良卓冠乎寰區粉署旋躋譽望獨超于中外六曹  
讓德百辟推賢睠茲吳越之雄藩實乃東南之重地  
矧憲府操一方烟鑑而監司為兩浙且瞻名位彌崇  
事權最重爰膺特簡總握綱維先聲播于越陳江流  
底定前箸傳于沿海山澤綏寧如某係屬最親瞻依  
甚切顧羈職守不能縮地以躬迎謹戒微員祗切望  
塵而布悃惟夙排桀戟俛承振肅之新猷蚤惠禔帷  
願受澄清之方略則不惟下郡荷幘幪于憂屋而群  
黎沾化育于春臺



迎姚兵憲啓

明張應泰

門擬登龍物望三吳久注符誇佩虎福星一路初臨  
慶溢茅簷威生榮戟况廁籠中之末能無宇下之榮  
恭惟某官生本同申賚還似博漱六經之芳潤彩筆  
雲橫鼓八月之驚濤官袍日麗仙郎起草玉署含香  
帝寶賴為股肱且詘望之於歷試時方喻之柱石甕  
煩山甫於徂征映日旌幢是處青山借色衡星劍鳥  
到來白叟興譎蓋誠有當於維垣是庸暫資乎列障  
江頭引領杖鳩父老爭先陌首歡迎竹馬兒童恐後  
么麼若某瑣尾儔倫逢在麻中猶幸聖人居近橘生  
江左敢言梓里風同繆膺一邑之司倍切二天之仰  
伏祈飛騶電發彩鷁星馳春色褰帷蚤慰湖西赤子  
恩波錫爵驟開天上黃扉則豈直藉重於枌榆抑亦  
增光於海宇

迎湖北馮文所憲副啓

明蔡復一

節鎮滇南蔽芾久繫思於漢唐臬陳楚甸澄清載沐  
惠於波恬并州何減故鄉良翰暫煩分陝壺漿愜望  
山嶽助歡恭惟某官學海黏天才峯壓世胸次包羅  
星斗毫端揮斥垓垓經術更能詩妙句稱清新水部  
世家真有譜芳名頌大小馮君郎襄為全省上游夙



荷柔能之畧南詔屬中天遐壤隨弘綏輯之助仰簡  
帝心俯從輿誦謂花源石室境接仙靈宜供作賦之  
大夫且盤瓠裔苗勢連黔蜀特昇壯猷之元老先聲  
蚤布湘澤已後志安瀾福曜再臨星躔亦含輝增燦  
兒童預騎竹馬察案倍跂人龍緇二酉之圖書試較  
王褒金碧摩五溪之銅柱翻憐諸葛旌旗擬歸贊於  
廟謨折衝帷幄助調和於鼎鼐紀烈旂常某久淑楷  
模偶隨驂靳代絲麻之賈管蒯何功幸烏兔之升爨  
火堪息愧越樽俎敢知宰夫之妨謹藉吏民以俟將  
軍之至薄言勸駕顛企揚旌

迎下江防朱少參啓

明蔡復一

雙闕鳳鳴自昔壯回天之力九江蛟伏於今資破浪  
之籌龍伯傳書湘靈鼓瑟恭惟某官筆高廬阜胸濶  
彭湖長孺出入禁中漢帝誇堪社稷太保巡行陌上  
周家雅重閭閻妙選而輟諫官人有舍本憂末之議  
隨居以報明主公無重內輕外之心卿月高懸物恠  
神妖遁跡和風遙扇汀蘭岸芷增香暫從方面徊翔  
卽向中台調燮某厚緣御李積夢攀嵇嚮也傳誦封  
章已卜巨川舟楫茲焉欣傳簡命再親宗匠楷模知  
子來之勸駕猶恐後也惠而好我相見得無晚乎敢



訊鳴騶聊將秣馬望連牛之瑞氣傾倒良勤寫立鵠  
之私悰編摩曷罄

迎韓江防啓

明王兆雲

鑿坡視草四裔頌經緯之文虎帳專符三楚後澄清  
之烈幸逢元老之猷壯實切員屬之歡騰恭惟其官  
天挺鉅公帝賚良弼文武兼資而爲憲誠才兩合以  
匡時筆底珠璣永叔之詞華燦爛胸中兵甲范公之  
經畧神奇玉署聯班人占公輔之器金華問益公茂  
熙亮之勛蓋將作舟楫而爲鹽梅故先觀民風而察  
吏治應有振揚之風不自隆屏翰之訐謨某備屬簿  
書跂延陶值謹顙下走蒲迓前旌伏祈繡斧蚤臨奠  
三湘而臨七澤駉駉夙駕貞百度以率群僚

迎海道發汛啓

明戴新

霜威馳日域久恬鯨海之波澤國重春防亟待轅門  
之令望龍光而翹首貢魚牘以抒衷恭惟某官經緯  
全才鼎鉉雅望握麟符而維翰東南之玉宇常圓建  
絳節以觀兵吳越之金甌罔缺千屯虎旅何煩指日  
揮戈萬翼樓船不假乘風破浪自昔已落夫餘之膽  
於今佇獻卉服之琛惟是太白星高時當耀武重以  
滄瀛浪暖法在防夷仰遲上台遙臨下國士聯貔虎



整桓赴之軍容陣列風雲藉指麾之妙筭况迎醪挾  
纊之衆夙叨似海深恩宜掇甲荷戈之夫願受如山  
節度某請纓寡志竊祿多慙儲幕府之市租實虔朝  
夕望崇臺之榮戟切若雲霓阻負弩矢以躬迎敢飾  
輶軒而祗候伏願龍旌迅發鴻畧誕敷身當虎豹之  
關功繪麒麟之閣

迎朱海道啓

明吳明郊

望聳巖廊偉抱折衝之畧權分鎖鑰具瞻保障之勲  
慶集屬員聲揚寰海恭惟某官熙朝師相當代親賢  
帝嘉逆耳之忠庭留折檻學有傳心之妙家繼考亭

晉秩南宮允矣寅清二禮秉銓文部歸然整肅百僚  
佇爲喉舌以代王言暫作爪牙而司兵柄海濱地重  
固爲控吳鎮越之雄藩憲府權尊必需緯武經文之  
元老建玉帳而風雲煥彩秉金符而雷電揚威此日  
歌賡于楓陛明良會際同心他時位陟于槐階寅亮  
何須異姓芳流玉牒寵握璇璣某素乏吏才久淹郎  
署嘗試牧芻之劇政自慙瑣尾庸流欣聞榮戟之遙  
臨不覺揚眉色喜匪徒澤流于越地實祈庇藉于蘇  
天先謹貢函更圖擁篲

迎新任海道啓

明許以忠



恭惟某官闔嶠元英商衡碩望胸吞烏石蟠為萬仞  
霞標氣吐金螯鬱作九霄瑞錦駿伐歷隆於吳越鴻  
名大震乎華夷惟海警在灌門誰堪鎖鑰借台臺為  
保障坐鎮蓬萊綸綽天開現日月重輪之象旌旗電  
掣壯東南半壁之雄號令維新封圻仍舊矧繡斧經  
巡之地愛棠白叟猶存而碧幢重省之方騎竹黃童  
復集歡騰雷動威肅風行蓋出揚申虎之靈勳既崇  
於玉帳則入接夔龍之武名自啓於金甌某素歎吏  
才偶承人乏分符試郡力不勝乎負鰲受命飲冰心  
實惕於佩虎幸托身有地切引領瞻天莫附遠迎肅

申上宣伏願袞衣夙振牙纛俯臨八月射潮瀚海溥  
澄清之化二天覆露間闊慰顛後之思

迎梁兵道啓

明諸葛昇

出綽自天丹宸厓兩都鎖鑰塞帷易地朱輪壯萬里  
金湯文武允藉鴻猷更庶咸深雀井星馳成命雷動  
歡聲恭惟某官榮名揭日爽氣橫秋六翮聯翩蚤迅  
圖南之翼千金捷取遂空逐北之群鰲局矚雍容視  
黃麻則三春霞絢螭坳看峻整端白簡則六月霜凝  
撤棘闈而魚目罔收歷騎省而豸鋒益厲謂彈壓輦  
轂之下旣游刃解牛想折衝樽俎之間自虛弦落雁



冀之北山之東紫薇星燦河以南淮以右烏柏風清  
矧是湯沐之鄉股肱諸郡猶然畿輔之地表裡侯封  
借鼎撫綏奠岡陵而永固徵靈控制靖江海以無波  
峻晦溪后其霓虹萑葦驚先於風鶴某蟻矇下吏犬  
馬備員紫氣候開伊邇熒煌之座祥光燭斗彌殷臨  
照之私儼節鉞以搖山喜樓臺而近水恭趨繡斧莫  
効朱衣

再迎梁兵尊啓

明諸葛昇

劍戟霜凝法曜高躔於麟甸檐帷日近德輝下覽於  
鳳鄉後來大慰冠紳林躍喧騰士馬肅將官牒載迓

台姓恭惟某官秀建羊城名高雁塔讀書中秘日臨

仙珮於金閨珥筆承明時補舜衣於瑣闥駿烈懋昭

畿輔方儼豸繡以翰神京鴻猷轉試荆塗更賜鷺車

而藩帝里朱旛迅擁八公草木生威玉節遙驅千里

川原在賁萬殊吐氣一路迎祥某芻狗棄材蟻矇下

吏自憐寒地幸托今天望紫氣以候關快披雲之不

遠効朱衣而負弩欣戴斗之在茲瞻嚮恐後於傾葵

趨蹌敢先於騎竹有懷引領實切揚眉

迎柳兵憲新任啓

明許以忠

兩地黄堂不著保釐之績九天紫綬式隆觀察之權



威播轅門喜揚屬轄恭惟其官寶婺元精玉衡偉度  
承家嚴肅和丸含仲郢之香報國忠貞諫筆繼公權  
之正蚤翱翔于仕路增焜耀于王廷司馬法頒坐壯  
留都之氣佩麟符剖行宣渤海之猷寵渙宸綸榮標  
兵柄因試望之于外任暫煩山甫于東征憲節建華  
山九疊芙蓉開碧漢先聲聞異域一方保障列金湯  
草木已憚威名部屋具瞻恩澤某瓊尾庸人折腰俗  
吏松江佐郡幸依御柳之清陰使嶺受塵獲頌甘棠  
之遺愛頃聞新命翻念舊恩澌水生香辛曾入芝蘭  
之室潢池竊弄願蚤登虎豹之關

迎兵道 附守道  
摘句

渙揚帝制榮握憲符詰兵戎察民治資控制於上流  
宣德意布主恩聳聽聞于遠嶠 彤幘布化海邦誦  
師帥之賢赤管疏恩水衡識丞郎之貴操成風之刃  
凡所解數千牛抱明月之珠豈止照十二乘在省署  
翱翔之久宜廟廊眷注之深聯班外臺救寧南服稠  
疊雙旌之寄光華六轡之行江左揚鑣海隅促駕望  
隆而任重地大而位尊剔抉吏奸咨諏民瘼百城震  
懾一路清夷茂安攘之功華夷仰德持平反之筆兆  
庶歸心 合二路以建臺式觀光華之遠統六師而



握筭咸依節制之尊方稟光令於檄符敢布下悃于  
竿牘百斛鼎以筆而獨扛早驚得雋十年刃若劓而新  
發屢試有聲雞舌含香庶琳瑯之雅奏螭坳和墨吸  
沉澁之晶英上方勤宵旰之懷公乃奉周咨之選大  
屏旋聞于借重雄臺端望其决平真知無敵之儒當  
有太平之業王命載蕭仲山甫能奉行之國威既強  
管夷吾使相可也 六條之受成伊始二天之臨照  
方新負弩郊迎得備于先驅之列帶劍門謁倘霽乎  
直指之威

迎應雲滇總憲啓以九江道遷

明樊王家

多繡霜明肅風稜於萬里龍章垂降分法曜於三江  
柏臺增有赫之威蕪邑借餘光之昭恭惟某官駿價  
千金鳳毛五色經綸在手冠百年之豪傑內則聖而  
外則王造化生身調四氣之節宣春為溫而秋為肅  
北辰開闔闔鸚鵡高八座之班西晉掌文衡麟鳳集  
三驅之網惟此襟江之地實為過化之區只今九派  
潯陽蠡澤注洋已見淪肌洽髓自是一方保障鳳池  
眷注更資勅法明刑恭奉綸書仰窺睿意若曰西人  
之罷已極自匪公忠明知疇宣虞舜之寬仁且茲南  
國之蔭難忘當令震肅拊摩久借寇恂之惠政貪墨



戶集卷之四十九  
聞風而先去印纍綬若咸需鼓鑄之功父老扶杖而  
欲觀巷舞塗歌不啻躍簷之喜某從政未能何官之  
守任當盤錯豈繫利器之長邑有流亡愧此俸錢之  
入蹉跟殊甚潦倒胡爲幸托二天已慶依飯惟舊隄  
從一氣忽驚陶冶方新奉鞭弭以懷慚望于旌而注  
念刀未操而使割惴惴飲冰玉必攻而後成乾乾燥  
雪敬先下走肅迓前茅踈庸深震悚之私抃舞切豫  
鳴之慶

晉書近體卷八十

類函九十二

東吳俞安期羨長彙編

上饒王嗣經曰常同輯

臬司部五

建武鄧羨遠遊訂定

迎提學道

迎熊宗師按臨啓

明王宇

泰山道重招搖握斗柄之移幽谷春回躑躅望朝暾  
之影歡騰寮案慶洽章縫恭惟某官化補乾坤名喧  
宇宙奪龍頭而鼓餘勇昔曾空冀北之群執牛耳而  
主華壇今見推斗南之一雙瞳如烟得人妙牝牡驪



黃太極無言施教在露雷風雨蓋海邦兆東漸之化  
知吾道之將行而多士切北面之心歌公來之何暮  
某逖蔭熒煌夙陶塊比薄言不腆之邑業奉明教以  
戴星同冒無私之天將暨餘情以就日獨憐僻壤久  
遲台光雖道路之云遙去聖人居不數百里即儒生  
之弗類望車塵至何啻一心茲者校館告成杏壇高  
設臯比控座神馳關西夫子之風紫氣橫空目極函  
谷真人之駕敬陳荒牘奉迓仙旌戒役代肅於臺端  
祇躬候迎於道左伏願龍光蚤貫鳳翅高翔斗大秦  
川沐化雨春風之浩蕩天高北極增霍童大姥之岩

迎朱督學啓

明舒曰敬代

留都綜吏夙高清夏之班江國作人具景文昌之府  
幃帷雲擁絳帳霄懸瞻天仗以息趨睇星輅而雀躍  
恭惟某官金粟標華鶴湖孕采得三光五嶽未分之  
氣務養其原讀八索九丘以來之書莫窮所學道為  
世表覺在民先既典銓以甄流載提衡而造士仙凡  
異骨冲飛藉五色之丹驂駮成羣盼飾長千金之價  
坐員嶠而把釣會掣六鰲望阿閣以來巢直低三鳳  
想下里折楊之調難溷齊竽計中原正始之音聿還  
大雅壁奎燭地旌節戒途蕭仙飛爽氣以承軒江女



淨陽侯而待駕某八閩末品光依漳浦之甘棠百里  
末員寵假臬司之廣廈私幸敝邑子弟盡入鍾鑪自  
唯下乘駑駘何當鞭策今將躬負弩石擁冠蓋于章  
江行且身帥衿裾奉標趨于縣宇謹陳竿牘抵迂前

迎胡學道啓 貴州

明張叔璽

建節東來驛路布清霜之肅文樞南運夷方逢瞻化  
之新喜溢青衿歡騰朱紱恭惟某官中朝師表奕世  
名賢珪璋令德久推竹箭之雄才綸綍王言首重蔽  
垣之妙選靈潮鼓氣信為神物聯翩丹穴鳴陽自是  
吉光片羽含香漢署仙郎執權政於水衡懸鑑夜郎

天子愛人文於荒服念牂牁洗甲之餘初開郡邑化  
蠻夷被髮之俗盡昇冠裳非出安定之門何以呼為  
弟子不學尹公之技豈能料其端人是九重資簡別  
以得真才迺百寮式操修而貞雅度某承先世之縹  
緗備領遐陬之篆綬職司提調辱在甄陶欣逢台從  
將臨曷勝斗山在望敬陳鄙悃用代躬迎願栽桃李  
借陽春以發生惟詠菁莪需時雨而樂育仰惟星翰  
蚤命開來學以希聖希賢佇覩泰階旋登弼元后而  
作師作相

迎王洪州宗師啓

明曾光魯



聖真統一同文敷械樸之春祖制修明造士專菁莪  
之命人心鼓舞氣運興隆恭惟某官名重清時文鳴  
薄海方銜音而出舉朝知江漢之大行自校藝以來  
到處如斗山之在望荆金和璧盡識拔於塵中宋賦  
屈騷亦生成于筆下楚材稱快廷論推先州郡三十  
三已經洪鑄者什九衛邑一百一欲竊餘光者伯千  
矧茲土生儒兩月懷鉛引領迺前道案牘仲春聞命  
移文衡嶽藉靈泮宮改聽其備員下乘稽首崇臺計  
望切雲霓大造豈慳時雨諒春深桃李公門自徧和  
風伏乞早駕台輶儼臨禪郡若文正公之抑師德寬  
云崇雅黜浮如七十子之從仲尼允矣心悅誠服預  
清道路候覩威儀

迎學憲新任啓

明許以忠

五夜文星輝映鍾山之牛斗三冬愛日暖騰硯水之  
龍蛇南國咸歡下寮瞻采恭惟某官瑞應寶符班聯  
玉案簪纓祖烈麒麟閣上先登黼黻皇猷鵠鵲觀中  
獨步乃謂江南之文習實關天下之儀刑拜捧宸綸  
出司學憲披繡衣而開絳帳裁成禮樂三千秉白筆  
以約青衿指點鷗鵬九萬道脉啓昌隆之會如日中  
天人心興鼓舞之機望風此地聿溥菁莪之雅化游



唐集卷之四 卷八十一  
躋槐棘之崇階者也某近聞邸報遙聽麟音駟馬出  
燕山已播先聲于聖域宮袍露采石爭看錦映于仙  
舟捲簾懷燕寢之恩遠座作鱣堂之兆無事點頭而  
目識譽髦喜就提衡有丹換骨以冲飛凡品妄思舐  
鼎顧遵憲令莫隨馬足以趨迎欲達愚衷祇託魚戩  
而申候伏願珮搖東壁蚤揚琴鶴之聲幟樹西臺請  
試雕龍之技

迎陳督學按衢啓

明

恭惟某官望高伊呂鑑軼韓歐才應世以無窮學造  
理之至渺物靡不可範而成也譬泥之在鎔人皆有  
所待而興焉猶蠅之附驥蓋二百年述文章之運時  
變何啻于三乃十一郡賴題品之神歲校業掄其九  
先臨者愜春風之坐後音者殷時雨之思壤僻三衢  
試稀十載雖風沿闕里猶有循循雅飭之遺幸天賜  
文昌正及藹藹陶鈞之化集子衿而跂待介儒秩以  
摠迎亟仰龍光翩羅豹蔚

而明堂下校日以懸旌鶴飛海嶠進之衣而對以  
左拜天闕更計恭承聞空風高千中外華對誠敬思  
矣日春平宸旋地天交泰



山已播先聲于聖地  
丹旆旌懷無寢之恩  
是座作經堂之兆  
無事照頭而  
日識譽髦喜就提衡有丹旆骨以冲飛凡品  
非心冠可請步臨  
又昌五又萬萬國  
精練十連捷風出關里  
去韻清冽春風之坐  
變何嘗于二八十一  
而與無所賦之何艱  
蓋二百羊故文章之重

送

送陳憲長啓

入觀

明聞金和

總憲閩邦八郡荷澄清之績考成魏闕九重褒表率  
之勲玉帛交陳冠裳雅會恭惟某官德隆柱石望峻  
華嵩振紀肅綱百辟樹儀刑之準雪冤平讞群黎荷  
欽恤之恩凜平法振風霜卓爾功高屏翰將臨獻歲  
瑞輯明堂卜曉日以懸旌鵠飛海嶠邁元辰而對仗  
虎拜天闈吏計恭承聞望夙高于中外華封載祝忠  
葵自眷乎宸旒地天交泰一時譽處承休百世其職  
叨屬吏恩荷優容顧役職匏繫乎封疆而負矢有難



于躬導敬透下吏代衛前驅聊且護導之私少展追  
隨之悻伏祈崇炤曷任瞻依

送臬司吳公啓

入觀

明許以忠

彙爰書而上獻風雲壯萬里之程知溫旨以內留霖  
雨沛八荒之澤氣已騰於朝斗行何異乎登仙率土  
瞻依屬員踴躍恭惟某官晚邦人傑魏闕帝師清徹  
詠泉秋月冰壺交映誼高挂劍泰山喬嶽同懸威嚴  
整肅乎紀綱刑措光華乎禮樂手持繡節將回銀漢  
之槎掌握紅雲直捧玉皇之駕頃開萬國朝宗之典  
王王當陽正值千官課最之期元公轉泰即啓金甌  
而大拜佇司玉燭以永調某謬叨守郡幸屬提衡知  
君子之德風已從草偃矢臣心之如水悉稟孟形因  
遵憲禁夫出疆莫獲躬申乎除道上台顯象已徵晉  
陟之祥下吏馳神殊切仰瞻之念

送吳念虛憲副啓

捧萬壽表

明唐堯欽

露覆二天夙切三生之感嵩呼九陛欣逢萬壽之行  
不可忘戀父之心無所解愛君之誼兩懷念激一劄  
詞陳恭惟某官國之名賢人之彥聖惟忠惟孝民譽  
久達於宸聰乃武乃文物望素季於輿誦論漢使者  
暫遲憲節之間作裴晉公便踐揆階之上某一塵潦



卷八十一  
倒嘆甚矣之吾衰四壁淒其值歸與之天幸燕棲屢  
就忽奏驪歌龍登路遙莫伸轅卧佩明德於長者將  
微悃於小人伏惟天不棄閩斧鉞重臨于舊國公無  
忘我金玉肯賁於陳人遂肖賚弼之形大溥作霖之

送盛憲副啓

捧萬壽表

明胡玠

瑤虹貫月誕聖世之神堯丹旆朝天來虞廷之伯益  
祥依北斗光燭上台恭惟某官金闈士望玉宇仙班  
羽儀肅鷓序觀瞻精白爲楓宸眷顧用持臬憲肅八  
郡之風裁分鎮建南新一方之號令爰陳金鑑榮捧  
黃封賡天保香惹爐煙鳴劍佩聲隨玉步天顏有喜  
眉壽無疆望日下之繽紛瞻依徒切覩雲間之璀璨  
莫罄追攀肅效蛩鳴俯祈鴻燭

送盛憲使啓

進萬壽表

明李國卿代

節擁閩南肅風雷於萬里旌馳薊北依日月於五雲  
鳥和驪歌花將牙繡敬共脂秣式表涓埃恭惟某官  
鈴閣霜清冰壺鑑徹之屏之翰巋然師表群寮允武  
允文偉矣保釐八聚望獨高於月日德素簡於宸衷  
禮謹高呼衆推民譽鴻飛遵渚應知葵赤欲傾虎拜  
自庭佇看天顏有喜某叨陪輿隸仰席鈞陶過流旋  
盼之殷遇隆國士不靳指迷之誨情洽家人欣瞻履



近雲霄可任歡同燕雀肅顯一介用備前驅仰企六符俯垂委照

送温處道江公啓

捧萬壽表

明戴新代

曙色金門萬舞上真人之壽薰風翠節八鸞揚漢使之光東方玉帛增輝六合衣冠動色恭惟某官珪璋重器鍾鼎名勛五色江毫嘗對綵雲而作賦千尋玉署曾燃藜火以校書佩蒼玉而握麟符秩崇徽省真晴原而安綺陌功奠長城屬當萬壽之期肅上九如之頌卽河清以獻祝何須瑤草赤芝借海晏以效符絕勝露桃雪藕御爐煙裊蚤生袍袖之氤氳槐樹陰

濃符覆黃扉而翁鬱某自惟通籍稔荷台慈射策天階已附雲霄之翼濫竽郎署更分河漢之波茲叨組綬於明州益受帡幪於岳鎮聞馳四牡彌慶二天永申祖道之忱遙展脂韋之敬伏願榮當虎拜顯沐龍綸輕珂鳴御柳之斜式上千秋金鑑清籟振璇霄之響獨高一代玄風

送清軍劉道尊啓

部謹過淮

明吳明郊

旌旆千羣向見軍容增壯舳艫萬隊堪令兵國藉充歡聲不沸于江干荒簡敬申于憲府恭惟某官煥彩星樞校書天祿祥開龍準衍炎帝之支潢寵眷虎闈



屹清朝之柱石緬自金閨而通籍屢從玉鉉以銘勛  
繡節高懸半壁乾坤底定轅門弘闢十連文武綱維  
更揚彩鷁于漕渠遙賁畫熊于淮水圮橋停軾堪尋  
黃石之遺書韓岳欽風欲振王孫之偉烈三軍不擾  
歡聲喧赫以如雷千里生輝瑞彩交騰而耀日其俯  
承守越幸仰依劉瓊尾庸流懼貽甬東之瘵曠折腰  
才拙謬叨宇下之旃幪今逢台宿暫移雖遠龍光于  
指日更欲徵忱少罄謹馳魚牘以瞻雲

送馮文所憲副啓

明蔡復一

以稽呂命駕之高風兼李社論文之故事待予雲於  
後君有知音慕相如於前何如並世榮施夢寐大愜  
半生之心持詫豪賢不貽四海之笑會既三朝千古  
別乃一日三秋承引新相知生離別之言益動采芷  
蘭思公子之念沈沈梅雨坐感舊今寂寂桂蟾猶懸  
遠近雖昌黎之贈東野願比雲龍而梁鴻之憶高恢  
獨吟嚶鳥矣仙璘璘而謁帝羨獨立於蓬萊魚紛紛  
兮濛予渺馳情於江水敢役一介徃御八騶黃鶴未  
飛聊托武昌之官柳青鳥儻發更追湓浦之琵琶意  
徃之深筆圖難盡



請宴

請盧憲長格

以下憲長可道

明李多見

恭惟某官望重康時心厯待旦不下堂士民稱便未  
 朞月政教大行芙蓉嶺鹿峰拂紅曦而增色朱幡熊軾  
 映瑞氣以揚輝象應得與祥占曳履某等傾情衝斗  
 藉庇垂雲春日春盤夙已懷乎野曝采芹采藻茲適  
 際夫風雲消某日吉肅儼豆觴仰板台駕環橋流水  
 預澄洗爵之清歌雨飛花載播隨車之馥伏願早移  
 騶從俯貴几筵忘分獻酬勝沾雨露開襟談笑若聽

簫韶



請周憲使宴啓

明王家屏

天宇秋澄三事就登場之緒霜臺暇豫一游秉省歛  
之期銓艾有終式憑保障車旂暫憇庶愜攀依恭惟  
某官神挺崧高氣鍾河秀德器鏗然佩玉動則有聲  
道心湛若壺水撓之不濁蟬冠豸服夙惟在石之風  
稜鶴列魚麗兼熟兵家之形勢遂持憲節來視戎行  
原隰皇華備涉馳驅之苦菑田采芑力紆安攘之猷  
肆烽羽之無驚乃倉箱之盡入含哺鼓腹幸同聖世  
之民介壽稱觥尚憶幽人之俗時維九月零瑞露于  
兼葭地接三雲仰福星于桑梓西巡在卽北望殊殷  
尊俎夙陳冀發登樓之興干旌枉顧佇瞻在浚之儀

請韓壁哉觀察宴啓

明張燮

雄風蕩戶高曳綠榕之陰德星照人徐被丹崖之草  
薄言掃徑暫駐塞幃恭惟明公文圃棟樑清流領袖  
前長離使拭旆屢耀雲門駮腰裏以服驤遙馳天路  
置水拔薤肅憲府之餘清帶犢佩牛望神君而屏跡  
治旣去乎害馬人尚念夫伏鸞慚元叔之孤寒表逢  
別坐異奉高之簡詣文禮顛裳牛斗霄懸龍窺佩而  
欲合隼旟曉發鶴望盡以知迎分敢當夫式廬興聊  
同於看竹登高丘而望遠者日送鴻飛探煙液而窺



滄洲手披塵拂共商荷製粗供瓜筵合歡命彼青棠  
解醒因乎白墮心期代出領羌衡岳之來過興滿習池  
或山公之倒載謹濡陋簡爰告前旌

請管觀察宴啓

明張燮

海國波澄挽天河而洗甲霞城山曉挾琪樹以隨輿  
帷褰花信之風春生懷袖節擁冰壺之月雲捲筵鏡  
敢屈雙旌爰開三徑燕窺人而欲下鶴望氣以知迎  
蓋鯨鯢夙消已奮鸞龍之藻而鷹鳩既化或尋鷗鷺  
之盟滿目葳蕤談種花之舊事開心蔽蒂是坐樹之  
遺陰雖無絲竹管絃聊借烟霞泉石昔孺子所在陳  
蕃式廬以先過仲山為傭巨卿行部而相贖維茲古  
誼兼者明公冀無愛乎片日之歡圖共賞夫千秋之  
契花驄蹀躞暫移棲鳥之臺玉塵提攜永重屠羊之  
答請監司公席啓修志開館 明王家屏

繡幃時巡布惠風於四國青旂春擁回嘉氣于群生  
事匪空行動惟豫順五兵不試適當燕喜之辰萬畧  
新開况應文明之書恭惟某官神縱性樞左宜右有  
功旋化軸陰慘陽舒及正月之始和爰戴星而夙駕  
臨前見泰對時育物以行春地上有風省方觀民而  
設教褰帷露冕喜漢官今日之威儀結駟聯鑣慶豪



僚時之參合閱文獻不足謂求諸祀求諸宋事或  
可徵念咨度當周必遵於邑遵於野謀斯有獲乃乘  
按部之便遂疏式廬之榮必躬必親亟問亟覩所至  
則重豈惟吾黨之光有開必先蓋實斯文之幸澤特  
沾於過化願允愜於摠趨是以有衮衣豈異東山之  
愛相從而俎豆何殊畏壘之誠敬懇旌輪庶其永今  
朝永今夕肅稱觥解聊以薄言獻薄言疇望台座以  
瞻依掃衡門而延佇

請秦憲副宴啓

明馬朴

臬臺榮晉秦關仰法曜之明憲節遙臨瀛海幸公日星

之昭敢邀祭戟祇薦匏樽亦惟其官秋烈春溫文經  
武緯五花驄馬曾令山嶽動搖一角神羊雅並屈軼  
播觸茲膺新命重蒞舊遊白一關中草木迂隨車之  
雨九重門外山川凝飛旆之霜其宦邇德鄰家依仁  
宇綵茲有日久殷葵藿之誠聞命自天更切粉榆之  
慶龍光載賁燕喜式陳仙佩翩翩望曳春風而入座  
賓筵秩秩願留明月以侑觴佇俟玉移預祈金諾

請楊憲副宴啓

明蕭雲舉

策府天開近覩衡廬之重憲旄星綬遙瞻山斗之光  
志切儀刑心勤仰止恭惟其官寰中神駿江左人龍



令德勤宣禔福攸同于簡命專城寵渥保釐允列于  
鼎彝顧此雄藩特煩勝筭春回駘蕩詎成林總之帡  
幪道轄顓蒙尤藉門墻之培植敢忘樸橄望切追隨  
敬占某日薄治壺觴借迎祭戟覲寵儀于促席聆矩  
誨于承顏仰覲俯從不勝感載

請董兵備座師宴啓

明管 橋

吐納靈潮屬神龍之變化酌量元氣賴斗極之平衡  
惟良工不下遺乎寸朽故薄技獲上獻于明廷恭惟  
某官天人策士齊魯名儒久登作者之壇號稱水鑑  
時操校士之柄立辨淄澠若象罔求珠非訣詬離朱

能索似伯樂相馬豈驪黃牝牡可拘某等伏瞻蓬室  
深愧小言詹詹修采藥籠敢云多士濟濟或微福于  
造化將欲息黥故特鑄于先生未嘗知兀同人自慶  
共赴雲龍風虎之期知已難酬俯誦菁莪樸棫之化  
兼以聖明厪南顧之憂詔出禁中頗牧獨命樞筦握  
重臣之節去爲郢上金湯遙勤四牡于蒼梧遠遠諸  
生于絳帳情深樂只方跽稱萬壽以告虔義洽孔偕  
尚俯容百拜而成禮伏願黃金早諾紫氣朝浮寒入  
藜羹猶仰調和之手春生醴酒總歸斟酌之權

請海道宴啓

明戴 新



龍旂飭武澄波遠接蓬瀛蛟海觀兵蒼靄遙連虎帳  
欲獻平夷之頌敢稱對月之觴恭惟某官緯武經文  
出將入相一編黃石散爲千里金湯四望晴原總是  
半天雨露綠暗轅門之柳貔虎雲屯紅銷絕徼之烽  
樓船浪緩值此熊軾臨邊之日敢乏兕觥獻壽之誠  
某願慰執鞭分叨負弩風翻翠隴慙無岐麥興謠雨  
過名園喜有熟梅薦鼎爰諏良日夙戒非筵板上哲  
之軒輶虔祈賁止聽崇臺之霏玉祗奉周旋翹首望  
塵俯躬微貺

請巡道林澄洲啓

明張夢鯉

法從遙臨正瀚海澄波之日霜旌載止適新秋屆序  
之期禮樂興而風俗歸淳憲度嚴而吏民震肅恭惟  
某官學咀道真器涵天粹繡斧持而執法殿中正直  
忠厚節旄建而綏猷海上惇大精明問俗褰帷豐部  
盡霑化育觀風露冕弁紳共式儀刑某受一廛而爲  
氓久荷旂幟之德至是邦而得見願傾葵藿之私供  
扉屨以達誠戒壺漿而授粢効野人之獻冀干旟暫  
駐于衡茅近君子之光庶型範瞻承于几席

請司道宴啓

明戴新

雙隼度關紫氣接中天之照五熊臨海福星生滿路



之輝願既慰於執鞭情擬申於獻掌恭惟某官宗社  
綱維縉紳領袖經文緯武不奠吳越之金湯內安外  
攘坐息滄瀛之波浪當此褰帷按部之日果值銷鋒  
洗甲之秋綠樹陰濃報道薰風新至朱明炳艷政逢  
化日初長既翹首以謝龍韜宜奉觴而趨虎帳某幸  
叨末屬喜御高軒敢穆卜乎佳辰敬仰陳乎芳醕俯  
躬而領珠玉任教漏永三更忘分而效勸酬不覺風  
清五夜伏祈臨賁可任欣榮

請觀察陳匡左宴啓

明林世吉

文章凌百代夙推藝苑宗工標格聳千尋茂樹栢臺  
風裁四海仰爲山斗百僚尊若著龜顧物景村而謬  
荷甄陶仰誦鴻私而感深篆刻茲候素絲之清暇僭  
攀繡斧以徂忱敬藝旃檀爰諏尊堯舉霜壑于碧甃  
聊具貧餐湘雷筴干瑤鐺薄陳香供瞻凌雲之橐筆  
倘過聽轡以尋詩掃積雪之巖扉擬上犧尊而介壽

請張兵道宴啓

明林世吉

寵錫蘭泥特倚保釐干南國秩超薇省兼資秉憲于  
西臺共欣惠露之沾濡快覩福星之普照七閩襲慶  
萬姓騰歡恭惟某官命世經綸擎天柱石早揚芬于  
粉署遂翹彩于彤墀分虎竹以專城膏澤弘敷于楚



旬峩豸冠而分陝膚功尚揭于維揚當宁眷隆特昇  
絲綸于榕海籌邊望重佇咨鎖鑰于蘭臺茲竭芹忱  
爰諏茅卜仰藉五紘之清暇敢陳三雅以申虔飭芳  
藪于瑀盤冀控青驄而枉轡掃碧霞之山徑候揮白  
羽以談兵

請沈仲督學宴啓

以下  
學道

明謝廷諒

錦軒星鶩傳墨令於銀書繡服霞被湛珠衡於寶序  
彩綴五峰之嶠振鷺銜花光浮九井之津棲鸞吐潤  
歡騰縫掖譽燁簪裾恭惟某官粹毓玄黃家傳青紫  
鳳翔南嶽謝蘭開十步之芳鷗化北溟邳桂聳一枝

之秀歌調白雪藝晚分華器重青雲竹林濟美卽懸  
金於秦市口杜田巴爰刻石於漢京貌憎西子牢籠  
羣彥當益友之龍頭鞭弭中原佩封侯之鵠印早遊  
西鎬探玄指於千言晚蒞東陽播清徽於八詠時流  
望而踴景談士依以揚聲高標月旦之評盤礴江山  
之氣驪珠耀掌情源共秋水揚波鸞鏡懸心詞鋒與  
夏雲爭長列琳瑯而覲瓌寶燕石立分陶絲竹而奏  
宮商齊音屏退珍函明月寧忌暗投琴號落霞獨精  
吟賞某棲皇一壑處不才之間躑躅四隅之能鳴之  
分緣桑作棟青鸞降宿樹之祥支木爲牀白鵠有標



墳之瑞荷千里之嘉獎驚五馬之踟躕見示郊居愧  
有難於辨霓光生戶牖喜允溢於登龍仲叔遐征肯  
遺安邑之累王猷雅興空作剡溪之遊回桂棹於江  
干阻蘭訊於天末許玄度之清風朗月一倍懷人王  
逸少之珠井墨池千年樂事顧雙旌之枉賁苦三徑  
之無資興洽濠川尊開彭澤野餐二簋園蔬一盤敬  
拉畫熊之車旁臨御鷗之渚青巒雜起雲移華蓋之  
巔丹壑爭流堰合文昌之府接光儀於促席朱實垂  
帷聆妙論於中進玄冰入芟高臺齊峴擬倒載於習  
池勝友如雲共追歡於河朔帥儀部抽簪勇退荀陳  
胡星聚之符俞廣文命駕遙臨許郭協風期之會仍  
攀嘉樹泛紫瀨以掛疎陰卽沐新蘭溼丹滋而臨綺  
月映金牛於水郭春滿白渠瞻玉馬於雲林煙浮紫  
氣展也掄材之暇猗歎講德之晨

請陳督學啓

貢士  
八公宴

明賀燦然

聖代掄材深慶遭逢之偶儒宗秉鑑大昭汲引之公  
惟是從龍從虎之先資不謂采非采葑之下及藉躬  
無地戴德有天恭惟某官聖世祥麟威鳳士林北斗  
泰山與禮南宮夙著風裁之勁校文西晉共推品藻  
之精高標方重於清朝簡命特降於兩浙德魏望重



甫下車而士習聿新師嚴道尊一振鐸而人文丕變  
方茲敷教之始遂逼選試之期乃不鄙薄乎諸生顧  
特精檢乎多士謂茲係祖宗之曠典實為科甲先聲  
必盡羅郡國之真才庶於朝廷有補極為隆重大異  
尋常雖一再試而不憚其煩令畢效制科之技悉千  
餘卷而務精於擇書倍逾典試之勞衡斯平鑑斯空  
高懸巨眼河之廣海之大不擇細流誠莫適其妍媸  
迺兼收乎薄劣某等章縫賤品樗櫟凡流幸冒謬譽  
於膠庠空糜餼廩愧未觀光于上國莫效涓埃化方  
被於菁莪光遂分于桃李殊微非分之獲復叨異數  
之榮縱云抽鶚薦於芹宮似非里選之常格何至歌  
鹿鳴於薇署幾於鄉舉而並隆蓋四海儒生均微厚  
幸而兩浙士子更沐殊恩矣謹洵某日祇掃珠宮肅  
儼鼎俎雖雲泥分隔不敢薦掌於王公而金玉欣聆  
伏冀借光於下士

請洪宗師啓 貢士公宴

明王德乾

望重春垣掌天下文章之府識高水鑑慰宇中山斗  
之瞻賓興叨見一班師誼允同三事薄申燕款願竚  
鴻光恭惟宗師臺下建鼓中原登壇八郡擅金泥之  
世美朱紱星聯驚臚唱之先聲彤墀雲彩秩宗豫典



禮教肅雍文衡晉司人倫表率矧浙下允係釐首藩  
乃歲升實觀光鉅舉品題初試聽觀一新談天無取  
于雕龍中雋但存乎立鵠西郡三東郡八計邑又七  
十五庠拔之省貢之廷標名凡八十六士洪鈞無棄  
物羅鷹揚于後乘之中大治善鎔材采馬智于長途  
之外請某等上堪科目下不失爲師儒且作昂藏勿  
太嫌于僂佞溫論勤勤及此壯心淳淳都生念焉事  
尚可爲努力而前未肯摧其戰氣卽一命豈虛縻天  
心以効何能有我私恩感激紛紛平生稀邁環依濟  
濟良會難齊雖師嚴道尊敢冒瀆雙旌之貴而義重  
聚樂倘許分半席之榮不自揣量共謀迎集光風  
月佩名教于杯酒之間碧水青山追勝遊于舞雩之  
下虔衷伏候命日爲期

請顧道行督學啓

明林世吉

峩冠楓陛特勞執法以觀風振鐸杏壇兼倚衡文而  
籲俊多士欣資乎陶冶百僚欽式乎儀刑名重斗山  
渙渥佇來紫綽望隆台鼎調元行替黃扉其誼附通  
家念叨及屋快覩文星之普照欣沾化雨以滋培敢  
諏吉于龜占擬申虔乎燕喜斲丹芝于雪塢敬飭瑤  
登貫白蘂于烟村聊陳玉璫僭乞璫瓏之轡冀瞻奎



左傳卷四 卷八  
壁之輝迓碧落之柴車倘蒙枉駕燃青煙之藜火擬  
聽談經

餞李郡守轉沂州觀察啓

明謝肇淛

北平風暖喜騰九戩之歌東魯雲開色動雙旌之駕  
駢駢原隰思枳轍而未能欸欸消埃願稱觴而請益  
輒忘下吏敢告涓人恭惟某官龍文炳世駿略匡時  
玉質金相氣度坐空萬馬彫戈皂蓋笑談立解千牛  
惟茲蕞爾一州正當舟車輻輳之會比者得公數載  
拔之湯火虺蜴之中無以我公歸兮衆方切袞裳之  
戀有安社稷臣者帝已錫繡斧之司聊攝以東姑尤

以西共仰折衝千里淮沂其乂蒙羽其藝行看節制  
百城某等叨廁末流濫竽半刺陪五馬之後乘久慙  
蘭臭之同望千騎於上頭且懼雲泥之隔敬蠲六日  
預庀一觴麗日綉旌旗猶帶中天氣色慶雲生几席  
競傳動地歡聲知憲節之新分不遑啓處念寅寮之  
舊誼慙駐欣顏伏冀貴臨曷勝感豫

餞顧道行學憲

明林世吉

恭惟某官望高北斗允稱百世之師名冠西京雅擅  
千秋之業顧多士方資以振鐸詎衆口忽成平鑠金  
攀戀絳紗悵儀刑之遠遠敬搢彩筆賦離別以何堪



敢構白獸之樽庸置黃龍之艦仰攀星駕少遂巖瞻  
伏望為立須斯漫聽青驪之曲冀申繼綬同享黃髮  
之期

謝薦舉

謝陳提刑啓 薦舉

宋王邁

經年夜雨誰憐泮芹之清一日春風忽破庾梅之白  
郵筒飛墜奏牘光搖競看大使之文書乃覩小夫之  
姓字不爽釘金之記竟叨褒袞之榮品題十六字以  
甚嚴銘刻千萬言而不足竊謂先朝立薦舉之法是  
乃累聖開功名之塗不謂昔者網羅英物之公轉為  
後來周旋人情之具求而得也弗求則不得也倖途  
既開賢者與之不賢者亦與之濫竽寧免柳下惠之  
阨卑官臧文仲不能引絳老人之困泥塗晉趙武弗



及知養成一世奔競之流遂致四維操履之玷故臨  
難無竭節之守而居官多曠位之愆在承平猶以爲  
非况艱難烏乎曰可自匪孤風之卓立夫豈頽波之  
陽回激揚之間趨嚮所决若某老心固動而德弗進  
年齒寢宿而意不揚雖聞先生長者之言粗知古道  
然滯經生學士之業猶汨虐文頓懷繡組之慚欲求  
耕獵之實偶投足於塵埃之地莫安心於禮義之容  
衿佩競趨於城隅絲竹不聞於堂上鄉隣之鬪猶纓  
冠而徃救門外之寇敢據席以偷安當同舟遇風之  
時出位不顧奮執戈衛社之勇非學而能義有當然  
功非所計在泮水獻馘幸依魯僖之賢息潢池弄兵  
盡在龔公之化曾非一介若有可長寡其過而未能  
無所學之可取胡得之於物論併舉以爲已榮伏遇  
某官崖畧甚高戶庭無壅登車有天下之志允藉澄  
清推轂追古人之風不由請謁元使君當路萬物吐  
氣烏大夫秉鉞多士拔尤使致妄庸亦蒙收錄某敢  
不益加砥礪無負陶鎔拜官公朝謝恩私門敬奉羊  
侯之所戒遇非常人待以國士當圖豫子之未能感  
激無窮敷宣曷旣

謝浙東張提刑啓

宋孫應時



史役亡堪前訖三年之課使華所暨猥加一顧之榮  
睠知己之難酬懼薦賢之非稱敢陳平素以瀆高明  
伏念某主竇寒生辟雍晚學雙親白髮方謀菽水之  
供一命青衫敢憚塵埃之役間關巡徼鞅掌簿書羈  
危幾類於五窮齟齬始盈於百謫編守父兄之訓重  
聞師友之箴妄意古人戒逢心之不固委身時運悟  
蕉夢之俱非紛進取以安能獨迂踈而自笑淒涼江  
海俛仰星霜方哦歸去之辭欲尋遂初之賦忽聆蕩  
節躬按遐陬攬轡登車既免澄清之及下堂攜手遽  
叨諭薦之先曾非意料之初迥出尋常之外茲蓋伏

遇某官資文武忠孝之德達詩書禮樂之原白曰青  
天皦若襟期之素清冰寒露自然風鑒之高名家百  
年早膺帝眷銜命萬里蔚為國光釋州組於淮壘分  
使臺於畿甸六條問事七郡向風汲汲人才恐負九  
重之寄恂恂禮貌俯谷一得之愚謂朝家選舉之科  
實銓曹進退之本酌權衡而自用洞豪髮以難欺爰  
拯頽波以扶公論遂使守株之士初無躍冶之尤華  
衮蒙褒縉紳興歎某敢不益堅夙志思勵遠圖桃李  
春風或詫公門之盛松蘿歲晚寧忘國士之知

謝臬司啓

薦舉

宋趙德莊



官分縣社初之吏能畫奉公車偶冒名薦荷恩增愧  
撫已為榮伏念某魯鈍少文樸愚乏警志有丘園之  
素氣無湖海之豪慕君子有所不為知古人未嘗乏  
仕猥驅俗駕濫綴官曹枉煩愛山未忘餘習折腰為  
米已負初心試縮銅章謬臨花縣鳴琴不韻製錦空  
傷政拙催科考宜書於上下誰先傾倒人每見其平  
平疲駑絕意於騰驥散木無心於斲削豈謂提衡之  
鑒誤加推轂之私伏遇某官盛德表時淵謨經國宏  
才優於剗劇厚性足以鎮浮允為世臣卓備賢業權  
衡士類冰鑑人才錄箕斗之虛名采非封之下體縱  
毛錐之脫穎許由瑟以升堂致此凡庸亦加品目功  
借風雷之便將化龍梭律調金石之音旁資牛鐸某  
敢不勉以未至尊其所聞上答已知下逃官謗

謝曾安撫持薦啓 通判 謝荐

宋李 劉

竊以儀曹論秀舊累殊知帥闔舉能今叨亞選負留  
連之藻鑑辱根抵於朽株施重人輕感深言淺伏念  
某不堪位置何足控博少而耻有道之貧賤冒焉干  
祿壯欲行所知之學問愚不適時今難望不龜之封  
聊爾監無蠟之郡田貳攝長無儋石之儲晏然粗廉  
且平信蠻貊之邦行矣初無詞藻何有聲名周公欺



我哉還贄僅收於三士韓愈亦人耳願忠豈後於百  
官濫吹其間循涯而懼茲蓋伏遇某官爽邦良弼命  
世元臣暫勤分竹於武安共後聽麻於文德曉行夜  
醉已開南嶽之雲暮捲朝飛又作西山之雨雖自湖  
入海是亦東歸之兆然望慰與台亟遠北落之樞亦  
思向花木之陽詎意入蘋繁之薦

謝監司薦舉啓

宋蘇軾

猥以庸虛過蒙知遇既免尤譴復加薦論自省孤危  
加之衰病生而賦朴野之性愚不識禍福之機但知  
在已以直前不復周防而慮後動觸時忌豈為身謀  
而去之則為有功引而進之亦或招悔自非不以  
利祿介意而以仁厚為心顧茲鈍頑誰肯收錄伏惟  
某官時望至重主知已深方將長育乎羣材專務揜  
覆於小過憐其謀身之甚拙進絕望而退無歸知其  
為政之雖迂歲有餘而日不足特矯世俗借之齒牙  
敢不祗畏簡書益自修飭豈云報德苟不辱知過此  
以還未知所措

謝監司啓

薦舉

宋朱廷玉

零落壯心未就求田之計裴回末路猶懷入幕之謀  
中愧本心外慚微分戴恩逾腆跼地弗容伏念某數



則多竒資惟極陋始遊翰墨謂功名可爲而亦可期  
逮涉艱難知時命在彼而不在我雖已周於十載曾  
弗旣於一官諒拙疎之有餘故坎壈而未艾進惟聊  
爾資升斗以代耕去亦欣然適榆枋而滿志偶參羣  
俊俾長諸生會明詔之一新事當責實顧諛聞之已  
竭分合投閒懷曠官以自危思斂衽而不敢雖常殫  
夙夜之智力曾何補毫髮之事功矧積咎愆久稽窳  
斥人皆謂之不祥而弗顧公獨察其甚慙而可哀嗣  
加薦論俾適夷途伏遇某官義高乎一世識並於前  
人忠厚之風及物而愈廣剛方之氣秉節而弗回其  
觀人也遺於短必求其長其薦士也因其才不移乎  
勢受知者所以感激而至於太息有識者莫不尊仰  
而爲之聳聞顧樗櫟之散才乃門墻之舊物載矜流  
落薦使遷陞昔孔融之得禰衡旣薦於前而無以濟  
之晚節晏嬰之遇石父雖脫於難而不能舉於平時  
未有一叨顧盼之榮兩被吹噓之德自惟會遇獨絕  
等夷而其智昧幾先名編都下駑駘失路固無歷塊  
之功鳥雀懷恩猶有銜環之報

謝夔路監司啓

薦舉

宋陸游

意象纍然揣分自安於下吏寵光異甚交章遽上於



公車莫測何由但知難稱伏念某久嬰瘡病見謂散  
材偶從諸老先生之遊粗得前言往行之略可容今  
事少年誤竊於虛名歷洗陳言晚節方慚於大學一  
來楚硤再閱王春惟體重於藩方故職均於曹掾占  
名惟謹幸逃有蟹之嘲竊祿甚微屢起無魚之歎豈  
期僉論驟及孤蹤遂令枯槁之餘漸有敷榮之望此  
蓋伏遇某官器涵魁磊議極崇茲雖持秋霜夏日之  
嚴每廓滄海洪河之量大呼相和或容醉吏之狂重  
聽何傷曲恕聾丞之老雖深知其無用亦並采而不  
遺某敢不強恕求仁質直好義庶幾夙夜或免小人  
之歸猶有鬼神尚圖國士之報

謝監司啓

知縣  
謝薦

宋唐庚

命教之始置師惟難既非所堪適足為愧伏念某一  
離國學十閱歲華參兩任之卿軍自云得趣負三年  
之令弩未始辭勞止於為貧無所不可欲訟刑名之  
職皆是道場簿書錢穀之間莫非樂地况優游於儒  
術復思只於鄉粉便於婚姻得以敦學有幸如此歸  
恩可知此蓋伏遇某官匠石人材甄陶士類材樂  
善每推引類之心憂國愛君深軫思皇之念後  
學得託下風才地非堪固難勝於重責使天所賦將



銘鎖於初心感佩無窮敷宣罔既

鄰省長官以數書建錄之間莫非...  
之令言未欲...  
網國學十閱...  
命...  
宋...  
...

謝江西廉鎮啓 推獎  
明朱 錦

福星下曜憲節升華江表權麾已見波濤之帖息湖  
東協篆更觀山嶽之動搖一道生風萬殊吐氣恭惟  
某官清朝聞望昭代典刑迅雷破柱而不驚澄月照  
潭而自許鏡懸北斗烟銷於魍魅之鄉劍肅南天風  
淨乎豺狼之窟喜威伸千里弘操素憲之權茲托重  
一方再攬澄清之轡黔毗鼓躍衿帶歡呼共姚水書  
生青田俗吏日月名高夙企靈光之重雲霄身近復  
偏雨露之恩解帶誰 彈冠自喜分當叩謁龍門鳴  
致賀成之欵時輒坐羈鳥懼膺越境之僭敢削牘



以陳詞敬望旌而稽首

謝江防道丁公啓

推薦  
修史

明瞿九思

伏念某宇宙遺民衣冠剩物少延性命託久死於盤餐略具形骸寄微吟於薜荔高載堯天舜日列戶編人仰遭盛代昌期叨名繫籍願言擊壤賡時雍風動之歌每想濡毫撰海晏河清之頌資愚質劣字澁言難第閉戶潛形同朽人間草木敢翹雲發夢希瞻天上星辰至若編摩本里鄰之過信何期剪拂感樞路之兼收祇益驚惶率何裨補適天府弘開史局包六合以張羅會天家群集儒紳逞千秋而載筆大公祖

乃遂瘡忘百孔因而毛取一斑既公移遍散於諸城復巖劄特加於本國欲以行潦涓滴送助詞源冀將敝管癡毫吹噓史職連詢博采並札齊批皆榮蒸華袞之新並寵錫球瑯之貴以故徐太公祖顯頒溫獎厚餽多儀無何報命戕天果得叨名奏闕手提重垢山之於污困之中九挽清流濯之自澄源之上海騰地懾鬼怖神恒千百載之好風枯噓扇景二十年之敝網落燼鎔灰慚棟之餘分毫盡愧忤矇之自尺寸皆恩凡一切之栽培得之於辛甲孝廉甚悉每半辭之獎借聞之於江黃父老良多此誼何深比若江湖



更濶茲恩何大方諸衡岳彌高銜結方新鐫磨寢久  
幾欲裹糧徒步候旌旗於巡徼之間柰緣鑿井耕田  
限等級於編齊之列既無見禮徒有攻心遲迴於去  
來進退者三年俯仰於日暮晨昏者數載昨者春風  
行縣千林草樹迎花曉日鳴鑼萬戶閭閻引項撼搖  
地動趨走塵飛以結心勞望嶽之衆因具紙上投名  
之謁蒙施曠典謬荷華恩其深言淺論之多真際古  
橫今之遇愈深浹骨倍切鏤肝竟不敢藏閉殘軀欲  
藉此敷宣薄臆屬簫鼓發樓船之會正輪轅攀士女  
之辰因買扁舟艤浮玉新生磯外爰張短喙立分牙  
轉用管邊百拜望尊嚴其父老江頭灑淚萬言條感  
激與兒童天外騰呼俾寫為三江泣別之圖用以表  
千載得人之盛

謝兵巡道史公啓 推薦

明瞿九思

伏念某稿後頽魂灰餘死燼卽欲書亡產蠹飼入縲  
紲何堪衣結懸鵝凍侵肌骨盤餐藜莧耳目塵根惟  
優游此晷刻之生久寂滅彼升沈之夢南村蒔芋北  
坂詹坵付歲月於遺丁託家門於弱息百凡望絕一  
切魂驚與雞豚犬彘以相安何禮樂詩書之敢問卽  
人卷哀憐之舌不妬死灰恐手援沒溺之軀難收荆



物大公祖獨恩加白骨為吹噓窟下之殘魂更手引  
清流令洗濯泥中之病骸凡為禮異總屬非常豈惟  
使當之者意罔神迷且足令聞之者心疑膽怖糠粃  
末學欲播之於司曹郡縣胡為鞮線微材竟採之於  
尺寸錙銖何用彼時戰慄逋遁無由舉國驚惶走藏  
曷計既經旬而伏莽復累月以窺園因四三劊使光  
臨具一二篇言請罪困主而搖魂自昔引項而待斧  
于今不謂矜憐撥塵蕪於瓦礫何期剪拂收穢敗於  
泥沙潛布公移高張德善頃覩徐公祖疏陳閭閻居  
然曩好士之吳公深慚懼元思望負高萊敢問漢多

材之賈誼矧小善之抽揚匪易而煩寃之滿拔尤難  
今既已顯白于朝復何必鮮華于世即枯魚之不活  
已寃網之宏開姑無論仰沫擎腮得洗鬢於江漢即  
今已除毛解足獲隨分於江湖便自恩超因而願塞  
茫茫宇宙果誰當桃李之材浩浩乾坤竟大破鍾鑪  
之格凡茲盛典最荷明恩既翼蔽口噓乃復飭光華  
於筆舌已心憐目盼又別加潤色于談筵河海布帆  
必不許逋逃於水籍山林草窟必無容潛伏於柴扃  
話藻東西遊奇南北此得之傳聞甚悉况承之聽睹  
恒多吾乃何知公勤誤愛不殊昂之於吳與彌豈賤



予所可能勝不然題之曰某徵君恐斯言若將豫發  
廼者復曆頒天慶令枝梧牖下之春秋前是數書賜  
瑤英使輝黃山中之草木如茲下交知己求之上代  
誰人延至于今歲改春王正月追惟自昔心驚天子  
新年爰募輕舟波乘浦淑載循前路郡望江門閣艤  
晴川從硯底商量七澤樓攀黃鶴自簷隈問訊三山  
綠草分毫青霓布紙候立牙門金鼓掉臂難前仰瞻  
蓮幕玉旗樞衣恐後山深海大無能方知己之恩坤  
轉乾旋請豫奏得人之賀

謝憲司啓薦舉

明游之光

周官六計總嚴察吏之條漢法三章獨運陶鈞之術  
蓋表端景正師師唯在一入而淵激清揚象指已均  
流品感從愧始媿在盧前恭惟某官氣嗟海岱名列  
鼎彝持繡斧以糾群寮霜飛六月采葑菲不遺下體  
德比二天咳唾為恩厠砥砭于珪瓚盼睽增質等鴛  
馭于駟駟矧嶺表遠隔君門又直指未聞薦牘行部  
之風雷易肅去後之雨露難逢不謂竒逢偶瞻曠典  
其烹鮮用拙畫虎名虛吹嗟楊賦以上天稱說項詩  
於到處俾豕苓鷄壅濫叨狄籠之收蟲臂鼠肝倖與  
莊鑪之化雖羊公不圖私謝深荷大造包容而魏客



肯出他門詎云小可術結敢不矢心末路勵志飲水  
願酌特達之知思報國士之遇肅函叩謝即冀啓閣

謝查督學啓 推獎

明張應泰

西江故是賢疇誰匪桃李東浙尤稱士藪獨重斗山  
維茲閱歲春風共挹盈堂冬口士誠吐氣吏更砥心  
况承警效之餘與廁追隨之末能忘倚玉祗愧懷珠  
頃當震疊周官正屬巽申漢曲方虞醜墮不謂瓦全  
比斯僥倖之逢總賴吹嘘之力額宜九頓腸實千廻  
竊計環虎帳者三千時方歸於澡鑑遂令眇龍門于  
咫尺莫克觀其芝眉肆藉魚箋虔陳皚素伏惟汪涵

海度略塵氛以齊捐浩蕩鴻施并緘芒而畢及則人  
世萍浮之日皆華陰環報之年

